

**BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
DOM NARODA
Broj:04-011-61/97
Sarajevo. 3.02.1998. godine**

ZAPISNIK

**5. sjednice Doma naroda Parlamentarne skupštine Bosne i Hercegovine,
održane 18.11, 27.11, 3.12, 6.12. i 16.12.1997. i 3.2.1998. godine u
Zemaljskom muzeju i u Lukavici**

Sjednica je počela sa radom u sati.
Sjednicom je predsjedavao Avdo Čampara, predsjedavajući Doma naroda Parlamentarne skupštine Bosne i Hercegovine.
Sjednici prisustvuje zamjenik predstavnika Visokog Ureda Hans Šumaher.
Prije usvajanja dnevnog reda, zamjenik predstavnika Visokog ureda gospodin Šumaher se obratio delegatima Doma naroda.
Nakon obraćanja gospodina Šumahera Dom naroda je usvojio sljedeći

DNEVNI RED :

1. Usvajanje zapisnika sa 3. i 4. sjednice Doma naroda,
2. Donošenje Odluke o davanju saglasnosti za ratifikaciju sporazuma sa Londonskim Klubom o starom dugu BiH,
3. Prijedlog zakona o Vijeću ministara Bosne i Hercegovine ministarstvima Bosne i Hercegovine,
4. Prijedlog zakona o putnim ispravama Bosne i Hercegovine,
5. Prijedlog zakona o državljanstvu Bosne i Hercegovine,
6. Donošenje zaključka o pripremanju izvještaja o radu Vijeća ministara,
7. Rasprava o utvrđivanju platforme Predsjedništva i Vijeća ministara za Konferenciju u Bonu,
8. Odluka da se zaduži Kolegij za što hitnije formiranje stručnih službi,
9. Delegatska pitanja.

AD-1. Usvajanje zapisnika sa 3. i 4. sjednice Doma naroda

Zapisnici sa 3. i 4. sjednice Doma naroda su jednoglasno usvojeni.

AD-2. Donošenje Odluke o davanju saglasnosti za ratifikaciju sporazuma sa Londonskim Klubom o starom dugu BiH

U raspravi su učestvovali: Mirsad Ćeman, Avdo Čampara i Nikola Grabovac.
Dom naroda je jednoglasno donio Odluku o davanju saglasnosti za ratifikaciju sporazuma sa Londonskim Klubom

Sjednica je prekinula sa radom i zakazana za 27.11.1997. godine.

* * *

Nastavak sjednice 27.11.1997. godine u Zemaljskom muzeju.

Nastavak sjednice počeo je sa radom u 10 sati.
Predsjedavajući je konstatirao da nema kvoruma za odlučivanje.
Ured Visokog predstavnika obavijestio je Dom naroda da delegati iz srpskog entiteta neće prisustvovati sjednici, za što nisu dali obrazloženje.
Nastavak 5. sjednice zakazan za 3. decembar 1997. godine.

Sjednica je završila sa radom u sati.

* * *

Nastavak sjednice 3.12.1997. godine u Zemaljskom muzeju.

Nastavak sjednice počeo je sa radom u 11 sati.
Predsjedavajući je konstatirao da postoji kvorum za punovažno odlučivanje.

AD-3. Prijedlog zakona o Vijeću ministara Bosne i Hercegovine i ministarstvima Bosne i Hercegovine

U raspravi su učestvovali: Momir Tosić, Mirsad Ćeman, dr. Haris Silajdžić, Boro Bosić, Avdo Čampara, Mariofil Ljubić, Borivoje Sendić, Borislav Parovac, Stipo Vujević, Salih Kulenović i predstavnik OHR-a.

Amandmane na Prijedlog zakona podnijeli su: Mariofil Ljubić (devet amandmana), Mirsad Ćeman (pet amandmana) i Momir Tosić (16 amandmana).

U cilju donošenja ovog zakona podnosioci amandmana su odustali od amandmana, te se o njima nije ni glasalo.

Dom naroda je odlučio da se glasanje o ovom zakonu odloži za prvi slijedeći nastavak 5. sjednice.

AD-4. Prijedlog zakona o putnim ispravama Bosne i Hercegovine

U raspravi su učestvovali: Boro Bosić, Mirsad Ćeman, Avdo Čampara, Momir Tošić, Mariofil Ljubić, dr. Haris Silajdžić, Nudžeim Rečica, Neven Tomić i Stipo Vujević.

Nakon rasprave odlučivanje o Prijedlogu zakona o putnim ispravama odgođeno je za prvi sljedeći nastavak 5. sjednice.

Nastavak sjednice zakazan je za 6.12.1997. godine

Sjednica je prekinula sa radom u 14,05 sati.

* * *

Nastavak sjednice 6.12.1997. godine u Zemaljskom muzeju.

Nastavak sjednice počeo je sa radom u 10 sati.

Predsjedavajući je konstatirao da za punovažno odlučivanje u Domu naroda nema dovoljan broj delegata, te da se sjednica ne može održati.

Nastavak 5. sjednice zakazan je za 16.12.1997. godine.

Sjednica je prestala sa radom u 10,05 sati.

* * *

Nastavak sjednice 16.12.1997. godine u Zemaljskom muzeju.

Predsjedavajući je konstatirao da postoji kvorum za punovažno odlučivanje, zatim se prešlo na odlučivanje o Prijedlogu zakona o Vijeću ministara Bosne i Hercegovine i ministarstvima Bosne i Hercegovine i Prijedlogu zakona o putnim ispravama.

AD-3. Prijedlog zakona o Vijeću ministara Bosne i Hercegovine i ministarstvima Bosne i Hercegovine

Predsjedavajući Doma naroda je obavijestio Dom da je Predstavnički dom Parlamentarne skupštine usvojio Prijedlog ovog zakona u tekstu kako je predloženo od strane predlagača.

Također je konstatirao da je rasprava o Prijedlogu zakona obavljena 3.12.1997. godine.

Dom naroda je jednoglasno usvojio Prijedlog zakona o Vijeću ministara Bosne i Hercegovine i ministarstvima Bosne i Hercegovine, u tekstu kako je predloženo od Vijeća ministara.

AD-4. Prijedlog zakona o putnim ispravama Bosne i Hercegovine

Predsjedavajući je obavijestio delegate Doma naroda da je Predstavnički dom Parlamentarne skupštine usvojio ovaj zakon sa Amandmanom na član 6. koji je predložen na Bonselkoj konferenciji i koji je postao sastavni dio Zakona.

Konstatirao je da je rasprava o Prijedlogu zakona obavljena 3.12.1997. godine.

Dom naroda je jednoglasno usvojio Prijedlog ovog zakona u istovjetnom tekstu kao što je usvojen i na Predstavničkom domu.

AD-5. Prijedlog zakona o državljanstvu Bosne i Hercegovine

Predsjedavajući Doma je obavijestio delegate da je na Bonselkoj konferenciji predložen Amandman na član 38. stav 2.

U raspravi su učestvovali: Momir Tosić, Avdo Čampara, Salih Kulenović, Mirsad Ćeman, Stipo Vujević i Mariofil Ljubić.

Nakon rasprave, sjednica je prekinula sa radom u 15,40 sati.

Nastavak sjednice je zakazan za 3.02.1998. godine

* * *

Nastavak sjednice 3.02.1998. godine u Lukavici.

Sjednica je počela sa radom ____.

Predsjedavajući je utvrdio da postoji kvorum za punovažno odlučivanje, a zatim se prešlo na raspravu o Prijedlogu zakona o državljanstvu.

AD-5. Prijedlog zakona o državljanstvu Bosne i Hercegovine

U raspravi je učestvovao Momir Tošić, koji je iznio mišljenje delegata srpskog entiteta da nisu spremni raspravljati o Prijedlogu zakona dok se ne ugradi odredba da građani BiH pored državljanstva BiH mogu sticati i državljanstvo SRJ.

O Prijedlogu ovog zakona Dom naroda nije glasao.

Predsjedavajući Doma naroda je obavijestio Dom da je Visoki predstavnik prema ovlaštenjima Aneksa 10. Mirovnog sporazuma i člana XI Bonselkog dokumenta odlučio da će Zakon o državljanstvu BiH stupiti na snagu 1. januara 1998. godine na privremenim osnovama dok Parlamentarna skupština ne usvoji ovaj zakon u potrebnoj formi, bez ikakvih dodatnih amandmana i uvjeta.

AD-6. Donošenje zaključaka o pripremanju izvještaja o radu Vijeća ministara

Jednoglasno je prihvaćen zaključak da se zatraži izvještaj od Vijeća ministara o njihovom radu za prethodni period.

AD-7. Rasprava o utvrđivanju platforme Predsjedništva i Vijeća ministara za Konferenciju u Bonu

Dom naroda jednoglasno je donio zaključak da se zatraži od Predsjedništva i Vijeća ministara platformu za nastupanje naših predstavnika na Konferenciji u Bonu.

AD-8. Odluka da se zaduži Kolegij za što hitnije formiranje stručnih službi

U raspravi nije učestvovao niko od delegata.

Jednoglasno usvojen je zaključak da se zaduži Kolegij da pripremi Odluku o formiranju Stručne službe.

AD-9. Delegatska pitanja.

Na sjednici Doma naroda nije bilo delegatskih pitanja.

Sjednica je završila sa radom u 14 sati.

Magnetofonski snimak sjednice čini sastavni dio zapisnika.

**PREDSJEDAVAJUĆI
DOMA NARODA
PARLAMENTARNE SKUPŠTINE BiH
Avdo Čampara**